

Votta a fa' notte, votta a fa' juorno

(prima voce)

Votta a fa' notte tutte 'e juorne è 'na sudata
cu' 'e figlie a casa nun t'abbasta 'na mesata
si 'o munno accussì va
dimme tu che c'aggio a fa'
ccà sulo pe' mangià
hê sempe faticato!

E si 'o governo tene 'e quatt' rote 'nterra
e ogni tanto vene pure n'ata guerra
ma che pienze 'e cagnà
vide comme può campà
te 'ncazze ma t'hê stà
nun serve ca hê allucato!

(seconda voce)

Chi te sente mo' 'e parlà dice: "hê perzo 'a voce"
staje abbeluto e te lamiente e te puorte 'a croce
quanta gente mmiezo 'a via stanno 'ntussecate
pate 'e figlie comme a te a s'abbuscà 'a jurnata"

"So' precari e so' operai e so' immigrate
quanno 'a trovano 'a fatica 'o ssaje ca so' sfruttate
Quanno po' ce sta' 'a alluccà ca' 'e sacche so' vacante
guarda buono e tiene mente 'e siente tutte quante"

(I) Votta 'a fa journo ca è passata 'sta nuttata
mò int' 'o pullman stammo uno 'ncuollo 'a n'ato
nun riesci a respirà
troppa è 'a folla ca ce sta
chi dorme all'erta a ccà
chi 'o siente 'e jastemmà!

'A gente dice è tutta 'na cummertazione
so' sempe 'e stesse 'e facce int' 'a televisione
si stanno ancora llà
dimme tu ca ce vuò fa'
nun me ce fa penzà
è meglio a s' 'e scurdà!

(II) Chi te sente mo' 'e parlà dice: "hê perzo 'a voce"

staje abbeluto te lamiente e te puorte 'a croce
quanta gente mmiezo 'a via stanno 'ntusseccate
pate 'e figlie comme a te a s'abbuscà 'a jurnata”

“So' precari, so' operai e so' immigrate
quanno 'a trovano 'a fatica 'o ssaje ca so' sfruttate
quanno po' ce sta' 'a alluccà ca' 'e sacche so' vacante
guarda buono e tiene mente 'e siente tutte quante”

SIAE 2005